



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 07/10/2021

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Minister fir Cultes weiderzeleeden.**

A Frankräich huet eng onofhängeg Ënnersuchungskommissioun Fäll vu Pédocriminalitéit an der kathoulescher Kierch ënnersicht. Duerch 2,5 Joer Recherchë vun deelweis 70 Joer alen Donnéeën hunn déi Fräiwëlleg vun der Kommissioun Sauvë iwwert 300'000 Affer fonnt.

An deem Zesammenhang wéilt ech dem Minister dës Froe stellen:

1. D'Affer vu (sexuellem) Mëssbrauch duerch d'Membere vun der kathoulescher Kierch kënnen sech iwwert Telefon (621-676349) oder Email (fir-iech-do@cathol.lu) bei der Kierch mellen oder, esou wéi och all aner Affer vu Gewalt iwwert déi staatlech Hotline (20601060) vu violence.lu hëllef kréien. Wéi ginn aner Glawensgemeinschaften mat dësem Thema em? Hunn aner Glawensgemeinschaften och spezifesch points de contact?
2. Denkt d'Regierung, dass hei weider Ënnerstützungsmoosname fir d'Affer néideg sinn?
3. Gëtt an den Ae vun der Regierung genuch gemaach, fir Fäll vu Mëssbrauch durech d'Kierch opzedecken?

Mat déiwem Respekt,

GOERGEN Marc

Député



[www.piraten.lu](http://www.piraten.lu)